

Siengsim Betnyied Cibngux

伤心的八月十五

环江思恩镇人和小学五年级 陆云霞

Muengh ha, muengh ha, bineix betnyied cihngux dauq-daej daeuj daengz lo. Ranzranz cungj gaj gaeq gaj bit daeuj caeq cojcoeng swheij. Mbwn lij rongh couh gwn haeuxcaez, couh caj ronghndwen dahsau okdaeuj lo. Dou daengx ranz vnz cungj benz hwnj gwnz dingj laeuz bae, dawz daiz daengq baij ndei, gwnz daiz baij miz haujlai cungj nyiedbingi mbouj doengz, lij baij makbug, makgam dem. Daxbuz riu-nyumnyum dwk gangj: "Gij doxgaiq neix dwg aeu daeuj caeq ronghndwen, gouz roenghndwen baujyouh raeuz daengx ranz vnz bingzan." Dou cungj naengh youq henz daiz

gangjgangj riuriu, vaiqvued dangqmaz, caj ronghndwen okdaeuj. Ai! Mbouj ndei lo, gwnz mbwn doek fwn lo, dou ganjgaenj sousib doxgaiq haeuj ndaw ranz bae. Caen hawj vnz saetmuengh, dahnuengx siengsim dwk daej hwnjdaeuj, daihgua cijnaengz hai densi daeuj yawj. Yawj ha yawj ha, sawqmwh dingqnyei Vangz daxlungz hemq hwnjdaeuj: "Ronghndwen okdaeuj lo! Ronghndwen okdaeuj lo!" Dou ciengj gonq lau laeng dwk buet ok baihrog bae, cijraen ronghndwen lumj rap gijmaz doxgaiq naek nei menhmenh daj ndaw fwj benz hwnjdaeuj, fatok gij rongh moengzmoengz

loengzloengz. De gag youq ndaw fwj byaij ya byaij ya, lumj bouxlaux byaij menhyakyak nei. Henz de mbouj miz ndaundeiq buenx, yawj gvaqbae dwg yienghneix gadog, yienghneix fouz naihhoz. Yawj le cib lai faen cung, lij dwg yawj mbouj cingcuji yienghceij ronghndwen. Mbouj miz maz ndei yawj, dahnuengx couh nauh baema lo, daihgua hix baema ranz lo.

Miz coenz vah ndeu gangj ndaej ndei: "Ronghndwen cibngux cibroek luenz." Haemh-neix dou yienznaeuz mbouj ndaej yawj gaeuq ronghndwen, hoeng gou saenq ronghndwen ngoenzcog engq luenz engq rongh. (指导教师:覃月素)



Gij Goj Ranz Gou

我家的故事

环江思恩镇西南小学六年级 罗秋范

Gou miz aen ranz vuenyungz ndeu, ranz gou miz sam boux vnz: Daxmeh gyaез raemh, daxboh gyaез ndaem va, gou gyaез riu.

Daxboh gyaез ndaem va, ndigah gyanghongh ranz gou ndaem rim gak cungj gak yiengh va nywj: Vacouxcin, valamz daengj cib lai cungj. Daxboh gig gyaез gyoengqde bw! Seizhah, daengngoenz ndat lumj feiz nei ciuq dwk gwnz dieg, daxboh couh hawj gyoengqde gaq bungz dangj raemh; seizdoeng, daxboh dawz gyoengqde buen haeuj ndaw ranz ma ndoj nit. It bi seiq geiq, daxboh cungj mbouj lumz hawj gyoengqde rwed raemx, dwk bwnh, gaeb non.....

Daxmeh gig gyaез raemh. Moix baez dienheiq bienq liengz, henz rwz dou cungj yiengj hwnj gij vah daxmeh: "Daenj buh lai di, siujsim dwgliengz." Miz ngoenz ndeu, cuengqhag seiz, sawqmwh doek fwnraq, gou cij ndaej soemh fwn ma ranz. Gou ngamq haeuj ranz, daxmeh raen gou daengx ndang dumzdwddwd, lienzmuengz hawj gou vuenh buh, lij dauj boi caz raeuj ndeu hawj gou gwn, yienzhauh yungh sujbaq bang gou mad gyaеuj, doq mad doq raemh: "Mwngz baenzlawz mbouj caj gou bae cieп mwngz, mwngz yawj mwngz yienghneix, dwgliengz le baenzlawz guh ya, vaiq bae ninz yaep ndeu."

Gou gig gyaез riu. Daxboh naeuz gou daengxngoenz cungj riuahaha, di hix mbouj miz gij yiengh vwnzcing lwgsau. Mizseiz riu hix gig guenjyungh. Miz baez ndeu, daxboh daxmeh aenvih gienh saeh iq ndeu doxceng hwnjdaeuj. Geij ngoenz gvaqbae le, gyoengqde lij mbouj gangjvah, byawz hix mbouj leix byawz. Yienghneix, gou couh yawjyawj daxboh, youh yawjyawj daxmeh, nyaenx mbouj ndaej riu ok sing daeuj lo. Daxboh raen le, hix nyaenx mbouj ndaej riu lo, daxmeh hix riu lo.

Neix couh dwg gij goj ranz gou. Gou siengsaenq moix boux doengzhag cungj caeuq gou ityiengh miz aen ranz vuenyungz ndeu.

(指导老师:罗凤)

Ci Beij Goenglauz

比功劳的车

环江思恩镇西南小学六年级 罗孟俊

Haemh ronghndwen hau-sak ndeu, ndaw ciengzdingzci cienz daeuj sing doxceng. Yienzlaiz dwg gak cungj ci cingq doxceng. Cij dingq daengz aen danci saek mong ndeu danqheiq naeuz: "Ai, gaxgonq gou dwg geijlai vaiqvued ha, gyoengqvunz dwg geijlai gyaез gou. Hoeng, seizneix gou cij deng ing youq gokciengz, ndawsim gou gig nanzgvaq ya!" Aen danci saek ngaenzhau haenx dingq le naeuz: "Mwngz gaej nanzgvaq lo, mwngz rox, Cungguck raeuz dwg 'danci vangzgoz', yienznaeuz seizneix raeuz roengzgang lo, hoeng, gaxgonq raeuz hix vih cien ranz fanh hoh guh gvaq gungyen ha! Siengj codaеuz, aen ranz miz aen danci ndeu dwg geijlai miznaj ha!"

Aen giceh ndeu dingq le, nyaenx mbouj ndaej dwkduenh

gij doiqvah gyoengqde: "Hw, sou caeux couh doeklaeng lo! Sou yawjyawj, cienmonz vih dou guh ciengzdingzci haenx, caiq yawjyawj sou, sou mbouj beij dou lai ba! Caiq gangj dou giceh beij sou onjdangq lai lo, dou hix beij sou buet ndaej vaiq, dou baez ndeu gojyij cang ndaej haj bouxvunz, gyoengqvunz hai dou, geijlai vifung ha. Mbouj lumj sou, gyoengqvunz aeu yungh rengz yungh ga dab, cij menhmenh byaij, caen dwg-rengz!"

Gyoengq danci hix mbouj gamsim dwk naeuz: "Mbouj loek, dou dwg mbouj miz cienmonz ciengzdingzci, dou hix mbouj beij sou buet ndaej vaiq, hoeng dou mbouj cuengq ok 'wyangjivadan' daengj dox-gaiq miz haih, ciemq yungh dieg hix noix. Seizneix dizcang dihdan swngghoz, gwih danci

hengzdoengh, naengz baujhu digiuz raeuz. Sou yawj sou, baihlaeng baiz ok gij hei q haenx haih liux geijlai vnz? Lij sevei cinbu ne, hawj dou yawj, ndangcangq cij ceiq cungyau!"

Danci caeuq giceh doxceng mbouj dingz. Mozdozceh dingq le naeuz: "Sou mbouj aeu doxceng lo, danci, sou cungyau, aenvih miz sou, raeuz bienq ndaej engq insik ndangdae, gyaезhoh vanzging. Giceh, sou hix cungyau, miz sou, gangj-mingz liux sevei raeuz cinbu lo. Mboujlwnh dwg giceh roxnaeuz danci, cungj dwg vih gyoengqvunz fuzvu."

Danci caeuq giceh dingq le gij vah mozdozceh, gyoengqde najmong dwk caez gangj: "Mbouj loek, raeuz wnggai yawj daengz ndeicawq swheij, lij wnggai fatyienh mbouj cuk swheij, raeuz dwg lizsij guhcinq ha, raeuz sam beixnuengx couh dwg gij ngoenzbonz, ngoenzlwenz caeuq ngoenzneix guekcoj fazcanj. Raeuz siengsaenq miz le raeuz, ngoenzcog gyoengqvunz itdingh engq ndei!"

(指导老师:罗凤)

Seizdaih cingq bienqvaq, seiq-gyaiq cingq fazcanj. Yinzhoz Siujyoz hix fatseng bienqvaq mbwn fan deih byonj.

Yawj! Byaij haeuj ndaw yozyau bakdoulaux, baij youq lwgda raeuz couh dwg aen cauhcangz hung gvangqlanglang bingzbwdbwd ndeu. Baihdoeng cauhcangz dwg aenranz gwnngaiz ngamq guh baenz, vaxmeng ciuq youq laj nditrongh ronghliklik, gij doxgaiq ndaw aenranz gwnngaiz yienghyiengh cungj miz, youq dieg neix gwn ngaiz, caen dwg gwn ndaej hom lai. Baihsae cauhcangz miz go faexrunz hung ndeu, go faexrunz hung neix lumj boux saubingh nei

Hagdangz Ngoenzneix

今天的校园

环江思恩镇人和小学五年级 莫小满

hwnzngoenz souj aenhag raeuz. Seizhah, ngoenz ndit haenq, gyoengq doengzhag cungj gyaез youq laj gofaexrunz hung neix yietliengz, guhcaemz. Baihbaek cauhcangz ngamq guh baenz aen daizfoux moq ndeu, bineix "6·1" cieltwngyez, gyoengq doengzhag couh youq gwnz daizfoux neix byaujyenj cezmuз ndei,

caen dwg vaiqvued dangqmaz, nauhyied raixcaix.

Siengj daengz aenhag seizgonq, caen dwg hawj raeuz lumz mbouj ndaej. Gwnz cauhcangz gumzgumz gemxgemx di he hix mbouj bingz, gaiqrin hung iq mbouj doengz, dieg-cungj miz, ciengzseiz fatseng siuj baengzyoux youq gwnz cauhcangz

guhcaemz mbouj siujsim laemx ok lwed cungj saehcingz neix. Mbouj miz daizfoux, daengz "6·1" cieltwngyez, mbouj ndaej guh hozdung, ndaw hag caemrwdrd. Mbouj miz dieg gwn ngaiz, cawj ngaiz youq laj bungzci, ndaw hag luenhlablab. Gwnngaiz seiz, gyoengq doengzhag couh seizbienh youq gwnz cauhcangz naengh roengzdaeuj couh gwnngaiz lo.

Docih cwngcwz ndei gungcanj-dangj, hawj yozyau raeuz bienqvaq yienghneix hung. Raeuz itdingh insik saedceij ndei seizneix, aeu roengz-rengz doegsaw, majhung le cij ndaej dawz yozyau raeuz gensez ndaej engq ndei. (指导老师:覃玉往)